



نواقض الإسلام

سماحة الشيخ عبد الله بن عبد العزيز بن باز رحمه الله

قلم بترجمته إلى اللغة البامبارية

الحاج موديبو جارا

Silameya tijɛfɛnw

A kafora

Karamogoba Abuduli Azizi bunu Abudulaahi fɛ Ala ka hine b'a ye

A bayɛɛmana Bamanankan na

Alihaji Modibo Jara fɛ .

طبع على نفقة وصية خولة دخيل الجسار رحمها الله (دولة الكويت) بإشراف اتحاد علماء إفريقيا

Nin gafe in labugunna ni sarankannabagamuso Kawulata Dakili Al-Jasaari ka musaka ye. :- (Koweti jamana:-)
a kera ni Farafinna donnibagaw ka kolosili ye

1437/2016

Silameya tijefenw

Tanu be Ala ye, nɛɛma ni kisi be Nabijuman kan, Nabijuman te na min kɔfe, an'a somɔgɔw n'a tɔɔgɔnɔw, ani mɔgɔ minnu ye a ka kanasira mine.

Ayiwa o kɔfe sa, hee e silame! a don ko Ala (saniya b'a ye) a y'a wajibiya jɔnɔw beɛ lajelen kan, u ka don silameya la, ani u ka silameya mine, ka u cogodon fenw la, minnu be silameya fonkɔɔgɔnya. Ala y'a ka Nabijuman Muhamadu ci (nɛɛma ni kisi b'a ma), walasa a ka mɔgɔw wele ka taa o ma. Ala, (Masaba kɔɔɔtalen) a ye kibaruya di ko ni mɔgɔ min tugura o nɔfe, o tigi kanana faasi. Ni mɔgɔ min y'a kɔdon o ma, o tigi filila. Ala y'an lasiran murutili sababuw ne Kurane haya camanw na, ani filankafoya ni kafiriya suguya beɛ ne. Donnibagaw fana y'a jira murutibaga ka kiiti bonda la, ko silameke be se ka muruti ka bo a ka diine na ni silameya tijefen caman ye, olu be ke sababu ye k'a joli bonni n'a ka nafolo boɔsili daga, wa a be ke bobaga ye silameya la olu koson. Nka o sababuw la jugumanba an'u la camanba min, ni mɔgɔw be bin o kɔnɔ, olu ye tijefen tan (10) ye, an karamɔgɔba n'an ka Alimamiba, n'o ye Muhamadu bunu Abuduli Wahabu ye, ani donnibaga werew, olu ye u fo (Ala ma hinena u beɛ lajelen na. O tuma na, an bɛna olu fo i ye kuma nata ninnu kɔnɔ, kumalasurenya bolo kan, walasa i k'i yere kolosi u la, ka mɔgɔ werew lasiran u ne, kisi ni lafiya jigiya koson u ne, ka fara kuma lajeli donnin kan, an bɛna olu minnu fo a kɔfe.

A folo : silameya tijefen tan do ye filankafoya ye Ala bato kɔnɔ. Ala ko (Masa kɔɔɔtalen) : « I k'a don Ala te yafa ka fen far'a kan. Nk'a be yafa fen na, min t'o ye, mɔgɔ ye, min y'a diya ». Ala (kɔɔɔtalen) ko : « aw k'a don ni mɔgɔ min ye fen werɛ fara Ala kan, tije na Ala ye Alijine haramuya o tigi ma faasi, o ladonyɔɔ ye Jahanama tasuma ye. Demɛbagaw si te tɔɔɔnikɛlaw bolo ». O filankafoya nasira do ye mɔgɔ ka suw wele, ani ka i damakasi suw la, ani ka dafalen ni kantigeli ke u ye.

A filanan : Mɔgɔ mana cɛkankew⁴ don a ni Ala ce, ka soronadon jini olu fe, ka a jigi da olu kan, o tigi kafiriyara, soɔoli te o la donnibagaw ni jɔgɔn ce.

(1) Nin dakun in jensena silameya donni jinini jekulu ka kunnafoniseben kono Makan jamana faaba la, n'o ye Riyaadi ye, a boko wolonwulanan na, min bora Shefancekalo ni sunkalomakono ni sunkalo ni selininkalo la Hijira san 1403 la.

(2) Musow suran haya 116.

(3) Geleninkandumuni suran haya 72.

(4) Cekankew: cetaamabaa, ko sentigi min be bila i je ka i ka mako jenabo.

A sabanan: ni mogo min ma filankafow jate kafiri ye, walima ka siga u ka kafirya la, walima ka u ka taabolo file sira juman ye, o tigi kafiriyara.

A naaninan: ni mogo min y'a siri a dusukun na kanasira were be yen, min te Nabijuman Muhamadu ka kanasira ye, k'o dafalen be ka teme Nabijuman ka kanasira kan (nema ni kisi b'a ma) walima ko mogo were ka kiiti ka ni a ka kiiti ye, i n'a fo mogo minnu be jow ka kiiti fisaya Kira ka kiiti ye, o tigi ye kafiri ye.

A duurunan: Alakira nana ni fen minnu ye (nema ni kisi b'a ma), ni mogo min ye o do koniya, hali n'a y'o ke, o tigi kafiriyara. Ka da Ala korotalen ka kuma kan ko : "O kera ka d'a kan, Ala ye fen min jigin, u y'o koniya, Ala fana y'u ka baara buruja1".

A waronan: Ni mogo min ye yelbonna ke Alakira ka diine fen do la (nema ni kisi b'a ma) walima a barajisoroko do la, walima a nangiliko do la, o tigi kafiriyara. O daliluya ye Ala korotalen ka kuma ye ko: " " a fo: " yala Ala n'a ka hayaw n'a ka Kira, aw be yelbonna ke olu de la wa. aw kana kun si jira, tije na aw kafiriyara aw ka limaniya kofe2".

A wolonwulanan: Dabalijugu, o do ye mandiyafura ni mangoyafura dilanni ye, ni mogo min y'o baara ke walima ka jen ni o ye, o tigi kafiriyara. O dalilu ye Ala korotalen ka kuma ye ko: " olu (mekke) fila tun te mogo kelen si dege (korote la), fo u k'a fo o tigi ye ko: "i k'a don anw ye lajarabi de ye de, i kana kafirya!3".

A seeginan: filankafo senkoromatintinni an'u demeni silamew kan. O dalilu ye Ala korotalen ka kuma ye ko: " Ni mogo min y'u ke a mademegon ye aw la, o tigi ye u do ye. aw k'a don Ala te yeretjonaw kana4".

A kɔnɔntɔnnan: ni mɔgɔ min y'a siri a dusukun na ko a bɛ bɛn mɔgɔ dɔw ye ka bɔ Alakira Muhamadu ka sariya kɔkan (nɛɛma ni kisi b'a ma), o tigi ye kafiri ye. Ala kɔrɔtalen ka kuma kosɔn ko:" ni mɔgɔ min ye diine wɛɛɛ ɲini ni silameya tɛ, o diine tɛ mine o bolo, wa o tigi ye bɔnɛbagaw dɔ ye, lahara don na".

A tannan: Ka i kɔdon Ala ka diine ma, i t'a kalan, i tɛ baara kɛ n'a ye. O dalilu ye Ala kɔrɔtalen ka kuma ye ko:"

-
1. Muhamadu suran haya 9.
 2. Tuubi suran haya 65-66.
 3. Misimuso suran haya 102.
 4. Gɛlɛninkan dumuni suran haya 51.
 5. Imurana somɔgɔw suran haya 85.

2

« Mɔgɔ si ma kɛ tɔɲɔnikɛla ye, ka tɛmɛ mɔgɔ kan, min waajura n'a Ma ka hayaw ye, o kɔfɛ o ka tila k'a kɔdon o ma, i k'a dɔn anw ye tajurusarabagaw ye mɔgɔjuguw la 1».

Silameya tiɲɛfɛn kelen o kelen fɔlen file, danfara t'u si ni ɲɔgɔn cɛ, min ta ye tulongɛ sira ye, walima sɛbɛ sira, walima siran, fo mɔgɔ min karabara, wa u kelen-kelen bɛɛ ye kojuguba ye, ani mɔgɔ donni ka ca u la kosɛbɛ. O tuma na, a ka kan silame ye a k'a yɛɛ kɔlɔsi u la. Ka siran u ɲɛ a yɛɛ kunkan. An bɛ tanga ɲini Ala fɛ, ka bɔ a ka diminkow n'a ka ɲangili jugu ma. Ala ka nɛɛma jidi a ka danfɛnw na sɔn hɛɛɛma kan, n'o ye Muhamadu ye, an'a somɔgɔw n'a ka Sayibaw, Ala k'an n'u bɛɛ kisi ». Karamɔgɔ ka kuma banna yan, (Ala ka hine a la).

Silameya tiɲɛfɛn tilayɔɔ naaninan kɔnɔ, fɛn wɛɛɛw bɛ don o kɔnɔ, o dɔ ye, ni mɔgɔ min y'a siri a dusukun na ko diɲɛ taabolo labɛnnenw n'a sariyasunw minnu sigilen bɛ mɔgɔw fɛ, ko olu ka fisa ni silameya sariya ye. Walima ko olu ni silameya sariya ka kan. Walima ko a bɛ daga mɔgɔw ka ɲɔgɔn kiiri ni olu ye, o tigi kafiriyara, hali n'a y'a sɔɔ a y'a siri a dusukun na ko silameya sariya de ka fisa walima ko silameya

sariya mabenni te ne san ba fila tamenen kono, walima ko silameya de ye silamew ka fankarogonya sababu ye. Walima ko silameya sariya be dan mago ni Ala ce dama na, k'a soro a sen ma don jenamaya ko werew la, o bee ye kafiri ye. Min be don tilayoro naaninan kono tuguni, o do ye, mago min b'a jate ko Ala ka kiiti waleyali son bolo tigeli la, walima furukela jenyakela bonni na kaba la, k'o te ben an ka bi tile kow ma. Min be don a kono tuguni, o do ye mago o mago b'a siri a dusukun na ko kiiti tigeli be daga ni sariya were ye, min te Ala ka sariya ye jekabaara kono ani pangilikiiti walima ko werew kono, hali ni o tigi m'a siri a dusukun na k'o ka fisa ni silameya sariya ye, o ye kafiri ye, sabu la o b'a jira k'o tigi be fen dagali jini, Ala ye min haramuya, sosoli te o fana na donnibagaw ni jagon ce. Wa mago o mago mana fen dagali jini, Ala ye min haramuya, bee be fen minnu kiiti don diine kono, i n'a fo jenya ni dolamin ni goroko ni kiiti tigeli ni fen were ye, min te Ala ka sariya ye, o tigi ye kafiri ye, sosoli te o la silame si ni jagon ce.

An be Ala deli a k'an bee lajelen ben fen ma, a be jen ni min ye. A k'an ni silame bee lajelen kana ka taa a ka sira tilennen ma, i k'a don Ala de ye mennibaga ye, min ka surun an na. Ala k'a ka nema ni kisi jidi an ka Nabijuman Muhamadu ye, an'a somogow n'a tarogonw.

1. Sujudu suran haya 22.

A bayelemata Alihaji Modibo Jara fe Bamanankan na
Awirilikalotile 2 san 2016.

Negejuru : 63372020 / 73372020. Mali jamana.